

أحكام سجود التلاوة

সিজদায়ে তেলাওয়াতের আহকাম

সূচিপত্র

- ✿ সিজদায়ে তেলাওয়াতের পরিচয় এবং হুকুম
- ✿ সিজদায়ে তেলাওয়াতের পূর্বশর্ত
- ✿ সিজদায়ে তেলাওয়াতের রুকন
- ✿ সিজদায়ে তেলাওয়াত আদায় করার পদ্ধতি
- ✿ যাদের ওপর তেলাওয়াতে সিজদা আবশ্যিক
- ✿ সিজদায়ে তেলাওয়াত সম্পৃক্ত কিছু মূলনীতি এবং মাসআলা
- ✿ এক নজরের যাদের ওপর সিজদায়ে তেলাওয়াত আসবে/আসবে না...
- ✿ কোরআনে বর্ণিত সিজদার আয়াত সমূহ
- ✿ বিবিধ মাসআলা

সিজদায়ে তেলাওয়াতের পরিচয় এবং হুকুম

পরিচয়

পবিত্র কোরআনে কারিমে এমন কিছু আয়াত রয়েছে, যেগুলোর তেলাওয়াত করলে বা শুনলে মুমিন পাঠক ও শ্রোতাকে আল্লাহর উদ্দেশ্যে একটি সিজদা করতে হয়। এই সিজদাকে সিজদায়ে তেলাওয়াত বলা হয়।

আবু হুরায়রাহ (রাঃ) থেকে বর্ণিত, রাসূলুল্লাহ (সা.) বলেছেন,

إِذَا قَرَأَ ابْنُ آدَمَ السَّجْدَةَ فَسَجَدَ اعْتَرَلَ الشَّيْطَانُ يَبْكِي يَقُولُ يَا وَيْلَهُ - وَفِي رَوَايَةٍ أَبِي كُرَيْبٍ يَا وَيْلِي أَمَرَ ابْنُ آدَمَ بِالسُّجُودِ فَسَجَدَ فَلَهُ الْجَنَّةُ وَأَمَرْتُ بِالسُّجُودِ فَأَبَيْتُ فَلِيَ النَّارُ

মানুষ যখন সিজদার আয়াত তেলাওয়াত করে সিজদায় যায়, তখন শয়তান কাঁদতে কাঁদতে দূরে সরে পড়ে এবং বলতে থাকে হায়! আমার দুর্ভাগ্য! ইবনে কুরায়বের বর্ণনায় রয়েছে, হায়রে, আমার দুর্ভাগ্য! বনী আদাম সিজদার জন্য আদিষ্ট হলো। তারপর সে সিজদাহ করলো এবং এর বিনিময়ে তার জন্য জান্নাত নির্ধারিত হলো। আর আমাকে সিজদার জন্য আদেশ করা হলো, কিন্তু আমি তা অস্বীকার করলাম, ফলে আমার জন্য জাহান্নাম নির্ধারিত হলো।^১

খ. আবদুল্লাহ ইবনে মাসউদ (রাঃ) থেকে বর্ণিত, তিনি বলেন,


قَالَ قَرَأَ النَّبِيُّ صَلَّى اللَّهُ عَلَيْهِ وَسَلَّمَ النَّجْمَ بِمَكَّةَ فَسَجَدَ فِيهَا، وَسَجَدَ مَنْ مَعَهُ

নবী সা. মক্কায় সূরা আন-নাজম তেলাওয়াত করেন। এরপর তিনি সিজদা করেন এবং একজন বৃদ্ধ লোক ছাড়া তাঁর সঙ্গে সবাই সিজদা করেন। বৃদ্ধ লোকটি এক মুঠো কংকর বা মাটি হাতে নিয়ে কপাল পর্যন্ত উঠিয়ে বলল, আমার জন্য এহাই যথেষ্ট। আমি পরবর্তী যামানায় দেখেছি যে, সে কাফির অবস্থায় নিহত হয়েছে।^২

^১ আবু দাউদ ১৪৭

^২ বুখারী-১০০৬

হুকুম




ক. যদি সালাতে সিজদার আয়াত তেলাওয়াত করা হয়, তবে সালাতের ভিতরেই ‘সিজদার আয়াত’ তেলাওয়াত করার সাথে সাথেই সিজদা করা ওয়াজিব। সিজদা আদায় করে আবার দাঁড়িয়ে সালাতের পরবর্তী কার্য সম্পাদন করবে। তৎক্ষণাত সিজদা আদায় না করে দেরী করা মাকরুহে তাহরীমী এবং গুনাহগার হবে।

উল্লেখ্য- যদি সালাতের ভিতরে আদায় করা না হয়; তাহলে সালাত হয়ে যাবে। তবে গুনাহগার হবে^৩


খ. সালাতের বাহিরে সিজদার আয়াত তেলাওয়াত করলে সিজদা করা ওয়াজিব। তবে বিগত মতে দেরী করা মাকরুহের তানযীহী^৪

[ফিকহে হানাফীতে] সিজদায়ে তেলাওয়াতের পূর্বশর্ত



ফিকহুল ইবাদাহ লিল-হালাবী-পৃ 99

সিজদায়ে তেলাওয়াতের রুকন



^৩ ফিকহুল ইবাদাহ লিল হালাবী-পৃ.99

^৪ প্রাপ্ত- পৃ. 99

রুকুতে সিজদায়ে তেলাওয়াত আদায় হওয়া প্রসঙ্গে..

বি.দ্র- সালাতে; সিজদার আয়াত তিলাওয়াত করার পর; যদি দুই আয়াতের বেশি তিলাওয়াত করার পূর্বেই সালাতের রুকু-সিজদা করা হয় তাহলে সালাতের রুকু-সিজদার মাধ্যমে ইমাম-মুকতাদি সকলের তিলাওয়াতের সিজদা আদায় হয়ে যাবে। এক্ষেত্রে তিলাওয়াতে সিজদার জন্য ভিন্নভাবে নিয়ত করা শর্ত নয়। এমনকি সিজদার আয়াত পড়া হয়েছে বা সিজদা ওয়াজিব হয়েছে একথা মুকতাদিগণ না বুঝলেও তাদের সিজদা আদায় হয়ে যাবে। তবে যে সকল সালাতে উচ্চ আওয়াযে কিরাআত নেই সে সকল সালাতে (যেমন যোহর, আসর সালাত) ইমাম সিজদার আয়াত তেলাওয়াত করলে; এভাবে সালাতের রুকু-সিজদার সাথে আদায় করে নেয়াই বাঞ্ছনীয়। কারণ, এতে মুক্তাদীদের সালাতে তালগোল লেগে যাওয়ার আশঙ্কা রয়েছে। তবে সর্বক্ষেত্রে তিলাওয়াতে সিজদার জন্য সালাতেই পৃথকভাবে সিজদা করা উত্তম। আর যদি সিজদার আয়াতের পর দুই আয়াতের বেশি পড়া হয় তাহলে সালাতের সিজদার মাধ্যমে তিলাওয়াতের সিজদাটি আদায়ের সুযোগ থাকবে না। এক্ষেত্রে তিলাওয়াতের জন্য সালাতেই ভিন্নভাবে সিজদা করতে হবে।^৫

সিজদায়ে তেলাওয়াত আদায় করার পদ্ধতি

Step 1- হাত না উঠিয়ে দাঁড়ানো থেকে আল্লাহ্ আকবার বলে সোজা সিজদায় চলে যেতে হবে এবং সুবহানা রাবিবয়াল আলা তিনবার পড়বে অথবা হাদীসে বর্ণিত সিজদার দুআ ও তাসবীহগুলোর মধ্য থেকে এক বা একাধিক দুআ পাঠ করা।

সিজদার দোআ

আয়শা রা. থেকে বর্ণিত। তিনি বলেন, রাসূলুল্লাহ সা. রাতের বেলা তিলাওয়াতের সিজদাতে এই দুআ পাঠ করতেন,

سَجْدَ وَجْهِي لِلَّذِي خَلَقَهُ وَشَقَّ سَمْعَهُ وَبَصَرَهُ بِحَوْلِهِ وَقُوَّتِهِ

উচ্চারণ: সাজাদা ওয়াজহিয়া লিল্লাযী খালাকাহ ওয়া শাক্বা সাম'আহ ওয়া বাসারাছ বিহাওলিহী ওয়া কুওয়াতিহ।

অর্থ: “আমার চেহারা সেই মহান সত্তার জন্য সিজদাহ্ করলো যিনি নিজ শক্তি ও সামর্থ্যে একে সৃষ্টি করেছেন এবং এতে শ্রবণশক্তি ও দৃষ্টিশক্তি দান করেছেন।”^৬

নিম্নোক্ত দুআটিও পড়া হাদীস সম্মত:

اللَّهُمَّ اكْتُبْ لِي بِهَا عِنْدَكَ أَجْرًا وَضَعْ عَنِّي بِهَا وَزْرًا وَاجْعَلْهَا لِي عِنْدَكَ ذُخْرًا وَتَقَبَّلْهَا مِنِّي كَمَا تَقَبَّلْتَهَا مِنْ عَبْدِكَ دَاوُدَ

“হে আল্লাহ! এর মাধ্যমে আপনার নিকট আমার জন্য সওয়াব লিখে দিন। এর মাধ্যমে আমার পাপ দূরীভূত করুন, এটিকে আমার সঞ্চয় বলে গ্রহণ করুন এবং আমার থেকে এটিকে এভাবে কবুল করুন যেভাবে আপনি আপনার বান্দা দাউদ (আলাইহিস সালাম) থেকে কবুল করেছিলেন।”^৭

^৫ খুলাসাতুল ফাতাওয়া ১/১৮৭; ফাতহুল কাদীর ১/৪৭০; রদ্দুল মুহতার ২/১১১

^৬ আবু দাউদ/১২৭৩


^৭ তিরমিজী অধ্যায়ঃ ৬/ সফর (أَبْوَابُ السَّفَرِ)

Step 2- আল্লাহ্ আকবার বলে দাঁড়াতে হবে^৪

- ☐ সিজদা মাত্র একটি হবে। দুটি সিজদা করতে হবে না।
- ☐ এতে তাশাহুদ নেই।
- ☐ সালামও নেই।
- ☐ এ সিজদার জন্য হাত উঠাতে বা হাত বাঁধতে হবে না এবং
- ☐ যদি না দাঁড়িয়ে বসে বসে সিজদা করে অথবা সিজদা করে বসে থাকে তাও জায়েজ আছে।
- ☐ পুরুষদের জন্য আল্লাহ্ আকবার জোরে বলা উত্তম

যাদের ওপর তেলাওয়াতে সিজদা আবশ্যিক

নিম্নোক্ত তিনটি বিষয়ের যে-কোন একটি পাওয়া গেলে ‘সিজদায়ে তেলাওয়াত ওয়াজিব হবে।



আবদুল্লাহ ইবনে উমর (রাঃ) থেকে বর্ণিত। তিনি বলেন,

أَنَّ النَّبِيَّ صَلَّى اللَّهُ عَلَيْهِ وَسَلَّمَ كَانَ يَقْرَأُ الْقُرْآنَ فَيَقْرَأُ سُورَةً فِيهَا سَجْدَةٌ فَيَسْجُدُ وَنَسْجُدُ مَعَهُ حَتَّى مَا يَجِدُ بَعْضُنَا مَوْضِعًا لِمَكَانِ جَبْهَتِهِ

নবী সা. কুরআন তিলাওয়াত করতেন। যে সূরায় সিজদার আয়াত রয়েছে, তাও পাঠ করতেন এবং সিজদা (তিলাওয়াত) করতেন। আমরাও তাঁর সঙ্গে সিজদা করতাম। এমনকি আমাদের কেউ কেউ (ভিড়ের দরুন) কপাল রাখার জায়গাও পেতনা^৫

^৪ ফাতওয়ায়ে হিন্দিয়া 1/195

^৫ সহীহ মুসলিম 1173

সিজদার আয়াত তেলাওয়াত

রিলেটেড কিছু মূলনীতি এবং মাসআলা

মূলনীতি 1- তেলাওয়াত পাওয়া যাওয়া; অর্থাৎ তেলাওয়াতকারী ন্যূনতম তার নিজ কানে শুনতে [যদি বধির না হয়] পাওয়া।

❑ শুধু মনে মনে তেলাওয়াত করা বা বানান করে এক অক্ষর এক অক্ষর করে পড়া বা লেখা বা সিজদার আয়াতের দিকে তাকানোর দ্বারা সিজদায়ে তেলাওয়াত আবশ্যিক হবে না।¹⁰

❑ পূর্ণ সিজদার আয়াত বা সিজদার হরফ পাঠ করার দ্বারা কেবল সিজদা আবশ্যিক অন্যথায় নয় [প্রাপ্ত]।

মূলনীতি 2- [সিটিং] বৈঠক একাধিক বিষয়কে ‘এক’ করে দিবে; যখন সিজদার আয়াত এক হবে।

❑ এক [সিটিং] বৈঠকে একই ‘সিজদার আয়াত’ একাধিকবার পড়লে একটি সিজদা যথেষ্ট। কিন্তু একই বৈঠকে ‘একাধিক সিজদার আয়াত’ পাঠ করলে পৃথক পৃথক সিজদা আদায় করতে হবে।

❑ পক্ষান্তরে একই আয়াত একাধিক বৈঠকে পড়লে পৃথক সিজদা দিতে হবে।¹¹

মূলনীতি 3- শারিয়াহ কর্তৃক যাদের ওপর [তৎক্ষণাৎ বা কাযা] সালাত ওয়াজিব নয়; তাদের উপর সিজদায়ে তেলাওয়াতও আবশ্যিক নয়; অর্থাৎ তাদের তেলাওয়াত দ্বারা বা শুনা দ্বারা তাদের ওপর সিজদায়ে তেলাওয়াত আবশ্যিক হবে না।

❑ সুতরাং নাবালক, কাফির, মস্তিষ্কবিকৃত মানুষ (পাগল), হয়েজ- নিফাসকালীন (সন্তান প্রবস পরবর্তী সময়) সময়ে, অমুসলিম ব্যক্তি যদি সিজদার আয়াত শ্রবণ করে তবে তাদের উপর সিজদা আদায় করা হুকুম নেই। [প্রাপ্ত]।

❑ কিন্তু জুনুবি ব্যক্তি বা মুহদিস অর্থাৎ অযুহীন ব্যক্তি যদি সিজদার আয়াত তেলাওয়াত বা শ্রবণ করে তাহলে তাদের ওপর সিজদা আবশ্যিক [কেননা তার ওপর সালাত ওয়াজিব]।¹²

❑ **মূলনীতি 4-** সিজদায়ে তেলাওয়াতের আয়াত আরবী ছাড়া অন্য যে কোন ভাষায় পড়া হোক না কেন [বাংলা-ইংলিশ অনুবাদ ইত্যাদি] সিজদায়ে তেলাওয়াত আবশ্যিক হবে।¹³

সিজদার আয়াত শ্রবণ

রিলেটেড কিছু মূলনীতি এবং মাসআলা

মূলনীতি 1- তেলাওয়াতকারীর মতো; শ্রবণকারীর [সিটিং] বৈঠকও একাধিক বিষয়কে ‘এক’ করে দিবে; যখন সিজদার আয়াত এক হবে।

❑ এক [সিটিং] বৈঠকে একই ‘সিজদার আয়াত’ একাধিকবার শুনলে শ্রবণকারীর একটি সিজদা যথেষ্ট। কিন্তু যদি একই বৈঠকে একাধিক সিজদার আয়াত শ্রবণ করে; তাহলে পৃথক পৃথক সিজদা আসবে।

¹⁰ ফাতওয়ায়ে হিন্দিয়া 1/192

¹¹ প্রাপ্ত

¹² ফাতওয়ায়ে হিন্দিয়া 1/195

¹³ আহসানুল ফাতওয়া 4/62

□ পক্ষান্তরে একই আয়াত একাধিক বৈঠকে শুনলে শ্রবণকারীর পৃথক সিজদা দিতে হবে।¹⁴

মূলনীতি 2- শুধুমাত্র ঐ ব্যক্তি থেকে ‘সিজদায়ে তেলাওয়াতের আয়াত’ শুনা দ্বারা শ্রবণকারীর উপর সিজদা আবশ্যিক হবে; যখন তেলাওয়াতকারীর পার্থক্য করার [তামীয়া] ক্যাপাবিলাটি থাকবে।

□ তাই মস্তিষ্কবিকৃত মানুষ (পাগল) বা ঘুমন্ত ব্যক্তি অথবা পাখী বা পিঁ রেকর্ডেড [যদি লাইভ সম্প্রচারিত হয় তাহলে সিজদা আসবে] রেডিও ইত্যাদির মাধ্যমে যদি কেউ শুনে; তাহলে শ্রবণকারীর উপর তেলাওয়াতে সিজদা আবশ্যিক হবে না। কারণ এখানে তেলাওয়াতকারীর পার্থক্য করার সামর্থ্য নেই।¹⁵

□ পক্ষান্তরে যদি কোনো মুসলিম সুস্থ লোক, নাবালক-সাবালক, কাফির বা হায়েযগ্রস্ত- নারী থেকে সিজদার আয়াত শোনেন এবং বুঝতে পারেন যে এটি সিজদার আয়াত তবে শ্রবণকারীদের সিজদা আদায় করতে হবে। কেননা তেলাওয়াতকারীদের মধ্যে পার্থক্য করার সামর্থ্য রয়েছে। [প্রাপ্তান্ত]

সালাতে সিজদার আয়াত রিলেটেড কিছু মূলনীতি এবং মাসআলা

মূলনীতি 1- সালাতে ‘সিজদার আয়াত’ তেলাওয়াত শুধু কিয়াম [দাড়ানো] অবস্থায় তেলাওয়াতের সাথে সম্পৃক্ত। বসা বা সিজদা বা অন্য কোন অবস্থায় যদি তেলাওয়াত করা হয়; তাহলে সিজদা আসবে না।¹⁶

মূলনীতি 2- সালাতের ক্ষেত্রে পূর্ণ সালাত ‘এক বৈঠক’ হিসাবে বিবেচ্য

□ সালাতে একই আয়াত বারবার বা বিভিন্ন রাকাআতে; সেইম আয়াত পাঠ- দ্বারা [চাই একবার ‘তেলাওয়াতে সিজদা’ দেয়ার পর অন্য রাকাআতে ঐ আয়াত তেলাওয়াত করা হোক] একটিই সিজদা যথেষ্ট।¹⁷

¹⁴ ফাতওয়ায়ে হিন্দিয়া 1/194

¹⁵ হিন্দিয়া 1/193 শামী 2/158

¹⁶ দুররে মুখতার 2/578

¹⁷ বাহরুর রায়েক 2/213

একনজরের যাদের ওপর- সিজদায়ে তেলাওয়াত আসবে/আসবে না

তেলাওয়াতকারীর বিভিন্ন অবস্থা	তেলাওয়াত কারী	শ্রবণ কারী
সিজদার আয়াত মনে মনে পড়ার দ্বারা..	×	×
সিজদার আয়াতের দিকে তাকানোর দ্বারা..	×	×
সিজদার আয়াত বানান করে পড়া বা লিখার দ্বারা..	×	×
সিজদার আয়াত অর্ধেক পাঠ করার দ্বারা..	×	×
এক বৈঠকে একাধিকবার একই আয়াত পাঠ/শ্রবণ করার দ্বারা.	একটি ✓	একটি ✓
এক বৈঠকে একাধিকবার ভিন্ন আয়াত পাঠ/শ্রবণ করার দ্বারা..	পৃথকভাবে ✓	পৃথকভাবে ✓
একাধিক বৈঠকে একই আয়াত পাঠ/শ্রবণ করলে..	পৃথকভাবে ✓	পৃথকভাবে ✓
[সালাত ওয়াজিব নয়] হয়েয-নেফাসেওয়ালী মহিলা, পাগল ইত্যাদি কর্তৃক সিজদার আয়াত তেলাওয়াত করলে..	×	✓
[সালাত ওয়াজিব] জুনবী-অযুহীন, নেশাগ্রস্ত-মাতাল ব্যক্তি কর্তৃক সিজদার আয়াত তেলাওয়াত করলে..	✓	ঘুমন্ত-নেশাগ্রস্ত ব্যাতিত ✓
আরবী ছাড়া অন্য কোন ভাষায় সিজদার আয়াতের অনুবাদ পড়লে..	✓	✓
[পার্থক্যকারী নয়] নাবালক-ঘুমন্ত-পাগল- পাখী- প্রি রেকর্ডেড ইলেকট্রনিক মেশিক কর্তৃক তেলাওয়াত হলে...	×	নাবালক ব্যাতিত ×
[পার্থক্যকারী] নাবালক-সাবালক, কাফির বা হয়েযগ্রস্ত কর্তৃক তেলাওয়াত করলে..	×	✓
সালাতে বসা বা রুকু-সিজদা অবস্থায় তেলাওয়াত করলে..	×	✓
একই সালাতে; সিজদায়ে তেলাওয়াত আদায় করার পর অন্য রাকাতাতে; সেই আয়াত তেলাওয়াত করলে..	×	✓

কোরআনে বর্ণিত সিজদার আয়াত সমূহ¹⁸

সূরার নাম	আয়াত
(১) সূরা আরাফ [আয়াত- 206]	إِنَّ الَّذِينَ عِنْدَ رَبِّكَ لَا يَسْتَكْبِرُونَ عَنْ عِبَادَتِهِ وَيُسَبِّحُونَهُ وَلَهُ يَسْجُدُونَ
(২) সূরা রাদ [আয়াত- 15]	وَلِلَّهِ يَسْجُدُ مَنْ فِي السَّمَاوَاتِ وَالْأَرْضِ طُوعًا وَكَرْهًا وَظِلَالُهُم بِالْغُدُوِّ وَالْآصَالِ
(৩) সূরা নাহল [আয়াত- 49]	وَلِلَّهِ يَسْجُدُ مَا فِي السَّمَاوَاتِ وَمَا فِي الْأَرْضِ مِنْ دَابَّةٍ وَالْمَلَائِكَةِ وَهُمْ لَا يَسْتَكْبِرُونَ
(৪) সূরা বনী ইসরাইল [ইসরা] [আয়াত- 107-8]	قُلْ آمِنُوا بِهِ أَوْ لَا تُؤْمِنُوا إِنَّ الَّذِينَ أُوتُوا الْعِلْمَ مِنْ قَبْلِهِ إِذَا يُتْلَى عَلَيْهِمْ يَجِرُونَ لِالَّذِيقَانِ سُجْدًا وَيَقُولُونَ سُبْحَانَ رَبِّنَا إِنْ كَانَ وَعْدُ رَبِّنَا لَمَفْعُولًا
(৫) সূরা মারয়াম [আয়াত-58]	إِذَا تَتْلَى عَلَيْهِمْ آيَاتُ الرَّحْمَنِ خَرُّوا سُجَّدًا وَبُكِيًّا
(৬) সূরা হজ্ব [আয়াত- 18]	أَلَمْ تَرَ أَنَّ اللَّهَ يَسْجُدُ لَهُ مَنْ فِي السَّمَاوَاتِ وَمَنْ فِي الْأَرْضِ وَالشَّمْسُ وَالْقَمَرُ وَالنُّجُومُ وَالْجِبَالُ وَالشَّجَرُ وَالْدَوَابُّ وَكَثِيرٌ مِنَ النَّاسِ وَكَثِيرٌ حَقَّ عَلَيْهِ الْعَذَابُ وَمَنْ يُهِنِ اللَّهُ فَمَا لَهُ مِنْ مُكْرِمٍ إِنَّ اللَّهَ يَفْعَلُ مَا يَشَاءُ
(৭) সূরা ফোরকান [আয়াত-60]	وَإِذَا قِيلَ لَهُمْ اسْجُدُوا لِلرَّحْمَنِ قَالُوا وَمَا الرَّحْمَنُ أَنَسْجُدُ لِمَا تَأْمُرُنَا وَزَادَهُمْ نُفُورًا
(৮) সূরা নামাল [আয়াত- 25]	أَلَّا يَسْجُدُوا لِلَّهِ الَّذِي يُخْرِجُ الْخَبَاءَ فِي السَّمَاوَاتِ وَالْأَرْضِ وَيَعْلَمُ مَا تُخْفُونَ وَمَا تُعْلِنُونَ
(৯) সূরা সেজদা [আয়াত- 15]	إِنَّمَا يُؤْمِنُ بِآيَاتِنَا الَّذِينَ إِذَا ذُكِّرُوا بِهَا خَرُّوا سُجَّدًا وَسَبَّحُوا بِحَمْدِ رَبِّهِمْ وَهُمْ لَا يَسْتَكْبِرُونَ
(১০) সূরা ছোয়াদ [আয়াত- ২৪]	فَاسْتَغْفِرْ رَبَّهُ وَخَرَّ رَاكِعًا وَأَنَابَ
(১১) সূরা হা- মীম সেজদা [ফুসসিলাত] [আয়াত- ৩৮]	وَهُمْ لَا يَسْأَمُونَ
(১২) সূরা নাজম [আয়াত- 62]	فَاسْجُدُوا لِلَّهِ وَاعْبُدُوا
(১৩) সূরা ইনশিকাক [আয়াত-20-21]	فَمَا لَهُمْ لَا يُؤْمِنُونَ وَإِذَا قُرِئَ عَلَيْهِمُ الْقُرْآنُ لَا يَسْجُدُونَ
(১৪) সূরা আলাক [আয়াত- ১৯]	وَاسْجُدْ وَاقْتَرِبْ

¹⁸ হিন্দিয়া 1/191

সিজদায়ে শোকর

পরিচয়

যে কোন সুসংবাদ প্রাপ্তি, সাফল্য অর্জন, প্রত্যাশ পূরণ বা বিপদ থেকে মুক্তির পর আল্লাহর দরবারে সিজদায়ে শোকর বা কৃতজ্ঞতা আদায়ের উদ্দেশ্যে যে সিজদা দেয়া হয় তাকে সিজদায়ে শোকর বলা হয়।

হাদীসে বর্ণিত হয়েছে: আবু বাকরাহ রা. থেকে বর্ণিত,

عَنِ النَّبِيِّ صَلَّى اللَّهُ عَلَيْهِ وَسَلَّمَ أَنَّهُ كَانَ إِذَا جَاءَهُ أَمْرٌ سُرُورٍ أَوْ بُشْرٍ بِهِ خَرَّ سَاجِدًا شَاكِرًا لِلَّهِ

নবী সাল্লাল্লাহু ‘আলাইহি ওয়া সাল্লাম এর কাছে কোন খুশির খবর আসলে অথবা তিনি কোন সুসংবাদ পেলে আল্লাহর কাছে শুকরিয়া স্বরূপ সিজদায় লুটিয়ে পড়তেন।¹⁹

সিজদায়ে শোকর আদায়ের পদ্ধতি

সুসংবাদ বা দুঃসংবাদ থেকে মুক্তির খবর পাওয়ার সাথে সাথে যে অবস্থায় আছে সে অবস্থায় আল্লাহর প্রতি কৃতজ্ঞতা আদায়ের উদ্দেশ্যে একটি সিজদা দেয়া। এতে সিজদার বিভিন্ন দুআ ও তাসবীহ পাঠ করা। (যেমন সুবহানা রাব্বিয়াআল আ’লা) অথবা চাইলে অন্যান্য দুআও পাঠ যেতে পারে। যেমনটি সিজদায়ে তেলাওয়াতে আলোচিত হয়েছে।

উল্লেখ্য- ফিকহে হানাফী- মালেকী অনুযায়ী; সিজদায়ে শোকরের জন্যও কিবলামুখী হওয়া এবং অযুর সাথে তা আদায় করা মুস্তাহাব²⁰

তবে অন্যান্য ফুকাহা ও উলামাদের মতে সিজদায়ে শোকর এর জন্য ত্বাহরাত বা পবিত্রতা শর্ত নয়।



বিবিধ মাসআলা²¹

- ☐ সালাতে ইমাম সাহেব কর্তৃক যদি সিজদার আয়াত তেলাওয়াত করা হয়; তাহলে তার পিছনে যখনই মুক্তাদি সালাতে শরীক হবেন; তার ওপরও সিজদা আবশ্যিক। এক্ষেত্রে শ্রবণ শর্ত নয়।
- ☐ পক্ষান্তরে যদি ইমাম সাহেব কর্তৃক তেলাওয়াতে সিজদা দেওয়ার পর তিনি সালাতের জামাতে শরীক হোন তাহলে তার ওপর আর আলাদা সিজদা দেওয়া আবশ্যিক নয়।
- ☐ সালাতে তেলাওয়াকৃত ‘সিজদার আয়াত’ সালাতেই দিতে হবে। যদি তা সালাতে আদায় না করা হয়; তাহলে তা রহিত হয়ে যাবে।
- ☐ সালাতরত ব্যক্তি [ইমাম/বা একাকী সালাত আদায়কারী ব্যক্তি] থেকে শ্রবণের দ্বারা- শ্রবণকারীর ওপর সিজদা আবশ্যিক হবে। চাই শ্রবণকারী সালাতে থাক বা না থাক। যদি সালাতে থাকে; তাহলে সালাত শেষে তা আদায় করবে।

¹⁹ আবু দাউদ, ১৭৪

²⁰ হিন্দিয়া 1/196

²¹ হিন্দিয়া 1/193

শতক বা গোল করার পর সেজদা করার হুকুম:

যদি বেপর্দা ও সতর খোলাসহ নিষিদ্ধ কোন বিষয় না থাকে, তাহলে শারিরীক ব্যায়াম হিসেবে ক্রিকেট খেলা জায়েজ আছে। কিন্তু বর্তমানে ক্রিকেট পেশাদার আন্তর্জাতিক ক্রিকেট টুর্নামেন্টে বেপর্দা, জুয়াসহ অনেক হারাম বিষয় জড়িত। তাই এসব টুর্নামেন্টে ভালো পারফরমেন্স করে সেজদা দেয়ার মাঝে কোন কৃতিত্ব নেই। বরং তার উচিত উক্ত গোনাহের কাজ করার কারণে তওবা করা।

সৌদি ফতোয়া বোর্ড এবং সৌদি আরবের সর্বোচ্চ উলামা পরিষদের প্রবীণ সদস্য, যুগশ্রেষ্ঠ ফাকিহ, আল্লামা সালিহ বিন ফাওয়ান আল-ফাওয়ান (হাফিয়াহুল্লাহ) [জন্ম: ১৩৫৪ হি./১৯৩৫ খ্রি.] বলেন,

“ফুটবল এবং ফুটবল খেলা কোনও নিয়ামত নয়। আর সেজদায়ে শোকর তো দিতে হয় নতুন কোনও নিয়ামত প্রাপ্তির ক্ষেত্রে। সুতরাং এ জায়গায় সেজদা দেওয়া বিদআত। এই ফুটবল থেকে আমরা কী অর্জন করলাম? এ থেকে মুসলিমগণ কী ফায়দা পেলো? যুবকদের নষ্ট হওয়া ছাড়া তাদের কিছুই লাভ হয়নি। বরং তা মুসলিমদের জন্য ক্ষতি।” [ইমাম মুহাম্মদ বিন আব্দুল ওয়াহাব রচিত ‘মুখতাসার যাদুল মায়াদ’ কিতাবের ব্যাখ্যা কালীন শাইখ এক প্রশ্নের উত্তরে এ কথা বলেন। তারিখ: ২২/৫/১৪৩০, ক্যাসেট: ৬১: ০৮ মি.]

তিনি অন্যত্র এক প্রশ্নের উত্তরে বলেন, “আল্লাহ খেলার জন্য সেজদার বিধান দেননি। এটা জায়েজ নয়। কারণ খেলাধুলা কোনও নিয়ামত বা বিপদমুক্তি নয় যে কারণে সেজদায়ে শোকর দিতে হবে। এর সর্বনিম্ন বা দূরতম অবস্থা হল, এটা মুবাহ (বৈধ)। আর মুবাহ কাজের জন্য সেজদা দেওয়া যাবে না।” [বুলুগুল মারাম কিতাবের উপর ৩য় দারসে শাইখ এক প্রশ্নের উত্তরে এ কথা বলেন।

